


敦煌襍鈔



敦煌襍鈔序



安西古荒服地羗戎所居秦漢
以前遐哉邈矣自漢設敦煌置
屬縣通西域闢地數千里至於
輪臺渠犂屯戍相望民物殷富
極一時之盛晉魏六朝中原多
故未遑遠畧諸夷蠡屯雲擾固
其所也洎乎隋唐浸主復振肅
代而後相繼沈淪割據并吞廢
興不一延及宋元明之世凌夷

播遷棄為異域我

朝統一區寓四夷咸賓自康熙五

十四年戎醜跳梁致煩捷伐嘉

峪關外古酒泉西部以及敦煌

玉門之境漸以經理更置衛所

遠而哈密悉隸版圖雍正間設

鎮派防開屯籌餉分駐丞倅監

司撫綏彈壓規模大定蓋自西

戎即叙以來沙漠蕩平有日矣

皇上纘承丕基揆文奮武德澤洽乎

群生聲教訖於無外然猶安不
忘危網繆未雨一切善後事宜
斟酌損益以時措之而詳審周
密無不扼其要而當其可綱舉
目張煥然大備用增磐石之固
垂之無窮余自己未秋分巡塞
上於今三年因天地之利脩政
令之和通工惠商與民休息茲
復恪遵

廟算邊籌經營布置次第告成於

凡風土情形亦稍悉其大畧惟是古今沿革建置官屬山川城堡田賦井疆雖附載肅州新志及分見於各衛自輯志彙內思所以參互考訂確知其說自愧學識膚淺有志未能兼以荒僻遼遠之區載籍寥寥四方通人學士輟跡所不至徵文考獻其道無由姑就舊聞新得自漢唐以迄今茲分晰義類鈔叢成編

傳信傳疑則吾豈敢後之君子
儻以脩志為己任或於是編不
無採擇其亦安西志之嚆矢乎
省

乾隆七年歲次壬戌十月之望

安西觀察副使葉河常鈞書

於清潤齋

敦煌襍鈔目錄

卷上

河西四郡

關西七衛

安西廳

安西衛

柳溝衛

沙州衛

靖逆廳

靖逆衛

赤金衛

哈密

敦煌襍鈔卷上

葉河常鈞和亭氏輯

河西四郡 甘肅即漢之河西四郡武帝所開以斷
匈奴右臂者蓋自蘭為金城郡乃昭帝時增置者
過河而西歷紅城子莊浪鎮羗古浪六百餘里至
涼州為武威郡涼州之西歷永昌山丹四百餘里
至甘州為張掖郡甘州之西歷高臺鎮夷四百餘
里至肅州為酒泉郡肅州西出嘉峪關為瓜沙赤
金苦峪以至哈密等處則皆敦煌郡地也洪武五
年宋國公馮勝下河西廼以嘉峪關為限遂棄敦
煌焉自莊浪岐而南三百餘里為西寧衛古曰湟
中自涼州岐而北二百餘里為鎮番衛古曰姑臧
北河西地形之大畧也

關西七衛 肅鎮舊志云自蘭州渡河至肅州一千
五百里又至嘉峪關七十里為內地其在嘉峪關
以外西至哈密亦一千五百里建設七衛曰哈密
曰赤斤蒙古曰安定曰阿端曰曲先曰罕東曰罕
東左此七衛者或元裔或土酋皆授官賜印世襲
職貢而哈密尤居極邊總羗胡入貢之要路藉以
控制西域蕃衛肅州自成化而後數為土魯番侵
擾七衛人衆散徙流移不能自立於是遷其部落
於關內安插肅州附近地方住牧而哈密竟為土

魯番所據西域諸夷之入貢者亦竟中嘉峪關不復取道於哈密矣

七衛詳見下卷

安西廳 轄安西柳溝沙州三衛在春秋戰國時為西戎地秦月氏戎居之漢為敦煌郡有縣六曰敦煌冥安效穀淵泉廣至龍勒晉分敦煌之宜禾伊吾冥安淵泉廣至五縣分酒泉之沙頭縣又別立會稽新鄉凡八縣為晉昌郡後魏置敦煌常樂二郡後周併敦煌鳴沙平康效穀東鄉龍勒六縣為鳴沙縣又併涼興廣至冥安淵泉為涼興縣隋開皇初敦煌常樂二郡俱廢改涼興為常樂大業復置敦煌郡改鳴沙為敦煌唐置瓜沙二州屬河西道貞元後陷於吐蕃大中五年沙州首領張義朝以瓜沙伊肅甘十一州地來歸遂置歸義軍以義潮為歸義節度使宋初仍為回鶻所據景祐中元昊襲回鶻取瓜沙盡有河西之地元初立瓜州屬沙州路隸甘肅行中書省明為赤斤蒙古沙州二衛地布隆吉以東柳溝堡尚屬赤斤蒙古成化後土魯番侵掠正德中徙肅州塞內嘉靖三年間嘉峪關其地遂為土魯番所有

本朝定鼎西夷嚮化瓜沙盡入版圖雍正元年置安西同知駐布隆吉領安西衛沙州所三年升沙州為衛又改靖逆通判所屬之柳溝所隸安西廳五年

升衛六年另建安西鎮城於大灣移治安西新城
領衛三日安西柳溝沙州雍正十一年移駐瓜州
設安西兵備道統轄焉 按古瓜州在今鎮城西
八十里即晉昌舊治相沿唐名今之瓜州非故城
地雍正十一年建築五堡安插土魯番回民封額
敏和卓為護國公以統其衆復於回堡之外添築
瓜州城在安西城西南三十里周圍四里一分開
東西二門設有叅將統領員弁兵丁以資彈壓並
移駐安西同知於此管理回民屯田水利一切事
務又理藩院派出部郎一員筆帖式一員駐瓜照
看新舊交錯二年更換至乾隆七年於檄飭事案
哈部郎等一例支給口食鹽菜銀量各項應差人
役在瓜州營存城兵內撥派三十名分班輪流應
役其回民命盜案件向無一定章程乾隆六年經
伊督院 題請嗣後兩造俱緣回民應令扎薩克公
將回犯拘交部郎會同扎薩克公審明照榆寧之
例咨報理藩院議覆題結若民人與回民交涉命
道等案令安西同知會同部郎審擬詳報安西道
核審解司詳院咨題完結至安西廳所轄地方如
屬於衛所府應以衛所為管該廳為兼轄不屬
衛所者即以該廳為專管以安西鎮道為統轄
如應令扎薩克公拘交之回民交與部郎嚴催依

限獲解倘有遲違將扎薩克公等及承緝回員報部議處地方民員免其查叅等因經刑部吏部理藩院會議覆准續經議詳凡兩造俱係回民案件應令將人犯交給扎薩克公自行經營其民回交涉案件凡相驗拘犯報解等事責成各衛就近辦理至踈防緝捕等事亦均以各衛為專管安西道為審轉衙門回民所犯軍流徒罪俱照苗疆辦理之例准折枷責完結咨部覆准各在案

案西衛 在漢為敦煌郡寔安縣地晉曰宜安即寔安屬敦煌又分置晉昌郡周併入涼興縣唐置瓜州柔沒於吐蕃五代時瓜州與吐蕃雜處曹義金遣使入貢於後唐以義金為歸義節度使宋入於西憂元至元十四年立瓜州二十八年徙居民於肅州僅存其名明為沙州衛地正德後避土魯番內徙肅州塞下嘉靖後盡棄其地

本

朝雍正元年置安西衛於布隆吉六年移置安西鎮城隸安西同知 按安西衛在三危流沙以東為唐虞禹貢雍州西邊之地春秋時名為瓜州有允姓之戎雜居史記正義云秦漢之際烏孫初居於此後為月氏所據匈奴破殺月氏使其部昆邪王休屠王分地住牧武威張掖間漢武帝使將軍霍去病代匈奴昆邪王殺休屠王并將其衆來降初

置酒泉郡以其地屬焉後又分酒泉置敦煌郡此地為敦煌縣境漢書註云瓜州在其境內晉魏之世又分敦煌郡地置有晉昌會稽常樂廣夏等郡後周通并為晉昌郡唐為瓜州或稱晉昌郡設刺史都督以鎮之廣德後陷於吐蕃大中時收復以歸義節度使張義潮兼領宋仁宗時陷於趙元昊元平西夏隸甘肅行省明洪武初宋國公馮勝下河西竟畫嘉峪關為限棄之邊外關西建設七衛夷人此為赤斤罕東交界之地嘉靖中夷人內遷更同甌脫

本

朝經理關西始建安西鎮城原在布隆吉至雍正五年始於今大灣地方杜爾柏津西北建築新城周圍六里七分開四門於雍正六年造峻遂移舊安西文武駐劄本城屹為重鎮所屬之百齊堡於雍正十二年改移南路云至乾隆六年經軍機大臣議奏川陝尹督院議覆查大學士條奏西路善後事宜安西總兵改設提督將嘉峪關以西哈密以東悉歸管轄甘涼肅等處戰兵及一切援剿機宜俱聽節制調遣除本標原額兵三千名外暫停增添將中營遊擊改為中軍叅將添設城守營都司一員千總一員把總二員添馬三步七兵五百名再改設靖逆協添兵五百名塔兒灣添兵二百名

橋灣添兵一百名共添新兵一千三百名至標協各營應扣親丁公費名糧照數補實以足八千五百名之正額其布隆吉赤惠等處防兵五千名於改設提督新兵撥到之後即行撤回而善後之規模定矣又於安西城上原建瞭房每座中一間拆通後牆添築炮位平臺二十四處安設劈山炮二十四位其餘安靖所屬各城堡製造四腿木架俱安子母炮至堞墩子木龍泉二道林馬蓮井子各要隘之處議准添設腰卡引墩以資巡哨并改設塘站直達鎮城其安沙等五衛團練屯兵通共一千七百八十二名各設戶長管束稽查酌撥甘涼二標營多餘鳥槍每人給領一桿專責各衛千總同各營選派目兵按期演習需用鉛彈火藥用捐種公田所收糧石內制備演放地方文武各官於農隙時查點指授使之隨便學習守望相助皆有備無患之道也赤金所役改為衛復設守備五衛各添設千總一員協辦庶務於官制亦稍備焉安西結造衙署兵房乾隆七年八月內竣工於城中東西開井四眼南北兩街各開一井新建兵房東西各開二井以利兵民之用嗣後餘丁及辭伍人等并頂戶認丁情愿入籍者分別戶口多寡撥給城內隙地聽其蓋房居住並於鎮城東門外關廟

周圍建築護墻一道角墩四座東西安設門臺俾商民安堵無恐又經議覆口外糧餉事宜向因軍需係肅州道經管是以統歸該道管理今大兵既撤並無軍需其口外糧餉等項俱交安西道經理復經詳批俟撤防後移交接管而哈密糧餉民事俱歸安西道總轄云

柳溝衛 在漢為敦煌郡淵泉縣地晉曰深泉即淵泉屬敦煌郡又分置晉昌郡周併入涼興縣唐屬瓜州後陷於吐蕃宋入西夏元明為瓜州地屬沙州路明為赤斤蒙古衛地成化中哈密為土魯番所據築苦峪城移哈密及寄居赤斤者以居之肅州志苦峪城至肅州四百里當在今柳溝境內正德中土魯番益張遣兵分掠苦峪嘉靖三年閉嘉峪關部衆屬土魯番其地多檉柳有水泉東則十道柳溝西則窟窿河黑水河或不忒河

本

朝康熙五十六年初設柳溝所於四道溝建築城堡招徠戶民兼設柳溝通判雍正元年於今布隆吉建安西鎮城周圍六里三分開四門施改通判治靖逆而以所城屬安西雍正五年復建安西鎮城於大灣而陞柳溝所為衛移治於布隆吉隸安西同知其四道溝之舊城并續建之踏實雙塔橋灣等堡皆屬焉於乾隆六年議奏善後事宜案內以

橋灣地方路通哈密咽喉原奏添馬三步七兵一百名外仍將柳溝都司并原設兵二百名移駐橋灣歸布隆吉遊擊統轄於舊城東面接築新城周圍八分計長一百四十四丈並將舊城一併接高幫厚共南北二門南曰廣源北曰平遠建蓋衙署兵房移駐焉而柳溝舊有兵房衙署以及橋灣城外向時之運糧棚廠修改房屋為防兵居住者俱經拆卸木槓運交工所搭用於乾隆七年九月內竣工

沙州衛 古三危地羗戎所居左傳范宣子謂戎子駒支昔秦人追逐乃祖吾離於瓜州其先為允姓陰戎之祖與三苗俱放三危者也秦及漢初為月氏匈奴所據武帝後元年分酒泉置敦煌郡晉因之元帝時張駿分敦煌晉昌高昌三郡西域都護而戊巳校尉玉門大護軍三營為沙州張祚又以敦煌郡置商州其後李暉據敦煌稱西涼公後魏置敦煌郡周置鳴沙縣水經注敦煌南七里有鳴沙山故亦曰沙州隋大業初覆置敦煌郡改鳴沙為敦煌唐武德五年置西沙州貞觀七年曰沙州領敦煌壽昌二縣神龍元年置豆盧軍貞元後盡沒於土蕃宋初為回鶻所據太宗時曹元忠以州歸於宋景祐中為元昊所據元復取之至元十四

年復立沙州十七年升為沙州路明永樂初置沙州衛以酋長困即來為指揮使賜誥印正德十年為哈密瓦剌二部侵逼走附塞下正統中沙州久為罕東指揮班麻思結駐牧困即來子喃哥謀奔瓦剌甘肅鎮將任禮帥兵收其全部入塞居之甘州時土魯番侵據哈密班麻思結孫只克請自立一衛與相抗遂於沙州故城立罕東左衛正德十一年只克子乞台衰弱不振徙肅州塞內其部下服屬土魯番沙州遂廢

本

朝雍正元年置沙州所三年升衛隸安西同知 按沙州衛在唐虞禹貢為三危流沙之地見於書傳歷歷可考周衰淪於戎狄秦漢之際月氏據之匈奴破殺月氏亦屬昆邪王任牧霍將軍破降昆邪以其地為敦煌郡屬六縣兼有今安西柳溝東包靖逆方興酒泉接壤魏晉因之至前涼張氏置沙州及晉昌郡符秦元魏更析為會稽廣夏常樂等郡非漢敦煌全境矣唐因之或稱沙州或稱敦煌郡而以晉昌等郡并為瓜州由此瓜沙並峙焉天寶之亂吐蕃吞噬河龍諸城失守皆在肅代德順之世惟沙州之陷獨後蓋在憲宗元和十四年而大中復河湟最先倡義首領張義朝逐虜帥歸唐遂建歸義軍於沙州以義潮為節度使五代朱梁

時張氏世絕州人推長史曹義全為帥請命中朝授本軍節度傳子孫至宋仁宗時為趙元昊所陷元滅夏置沙州路總管府而以瓜州隸焉明洪武初宋國公馮勝兵下河西元守臣委的掠人民遷入沙漠時有巫師藏番僧曰哥哥把失乘青牛誦經乞化號青牛和尚遊至沙州界內娶達女為妻生子至孫俺章混稱屬達修貢永樂二年以俺章為都督掌印朝貢不絕正德中避土魯番侵擾乃內徙肅州住牧即日羔刺之族也

本

朝康熙五十四年夷酋作逆出師征討嘉峪關外漸加修復初置赤金靖逆二衛所雍正初柳溝安西沙州以次設衛原任岳督院原議在沙州設鎮既以安西為適中之地建立安西鎮於是沙州特設副協駐防俾輔車相依保障邊圉屹為襟要云沙州之西本有故城即漢敦煌郡治經黨水北衛圮其東面雍正三年於故城東另築衛城周圍三里三分開東西南三門雍正五年添築黃墩堡於乾隆六年議奏善後事宜案內以衛城僅容衙署兵房並無餘地民居皆在城外自築護牆以為憑依現今戶口滋繁商民雜運而舊築護牆剝落坍塌難資捍禦乃悉行拆毀另從衛城東南二面迴抱西北二角接築新護城五里四分共長九百七十